


問經堂叢書

無





嘉慶七年九月

爾雅漢經

問經堂藏版



爾雅漢注序

不識古訓則不能通六藝之文而求其意欲識古訓當於年代相近者求之爾雅一書舊說謂始於周公孔子而子夏暨叔孫通輩續成今臧生在東從揚子雲鄭康成之言斷以爲孔子門人所作其爲注者漢有犍爲文學樊光李巡魏有孫炎爲反切之學所自始是皆說爾雅者所必宗也今唯晉郭璞注盛行而他皆失傳郭於古文古義不能盡通往往以己意更定攷古之士病焉幸李孫諸人說時散見於唐人諸書中其爲郭氏所棄而不取者說顧往往勝郭在東篤好古義徧加搜輯彙成三卷庶乎遺言之不盡墜也夫時之近遠猶夫州土之各異以吳人解越人之言縱不盡通猶得其六七燕秦之士必不逮焉故吾亦不謂李孫諸人之解之盡得也然其是者必賢於後人所見



在東勤勤掇拾能引伸其所長而不曲護其所短由詁訓以通經學斯不難循塗而至矣吾因以知宋人若陸佃鄭樵之更不足尚也與其陸鄭之是從又無寧郭乾隆五十四年陽月既望杭東里人盧文弨序

爾雅漢注卷上

武進 臧鏞堂撰

承德 孫馮翼校訂

釋詁第一

陸德明經典釋文爾雅音義上中詁樊光李巡本作故又毛詩音義上郭景純注爾雅則作釋詁樊孫等爾雅本皆為釋故

胎始也

孫曰胎大才反

釋文 孫曰胎大才反 釋文 穎達詩七月正義八之一唐沙門元應一切經音義一作胎始養也

廓宏墳路冢劉販睪大也

釋文 孫曰廓張之大也劉都耗反販方滿反 釋文 又毛詩釋文下 一切經音義九

樊曰周禮云其聲大而宏詩云有賁其首睪可見之大也 穎

達盤庚下正義九 史記司馬相如列傳司馬貞索隱

舍人曰輅車之大也冢封之大也 書舜典正義三 荀子哀公篇楊倞注 邢昺爾雅



疏上也字  
舊誤作者

艘至也

孫曰艘古屆字也釋文 史記司馬相如列傳索隱

祥善也

李曰祥福之善也孔穎達春秋成十六年正義二十八

敘緒也

孫曰謂端緒也史記集解序張守節正義

怡懌樂也

注曰怡心之樂也懌意解之樂也一切經音義一 按卷二卷十三作部注義誤

適自也

孫曰適古述字釋文

漠謀也

舍人曰漠心之謀也釋文 邢疏 釋文作心之漠今從疏所引

孫曰漠音莫釋文

典常也

李曰典禮之常也賈公彥周禮太宰之職疏二

辜辜也

注曰辜禮義之罪也一切經音義二

黃髮觀齒鮐背耆老壽也

舍人曰黃髮老人髮白復黃也鮐背老人氣衰皮膚消瘠背

若鮐魚耆觀也血氣精華觀竭言色赤黑如狗矣書正義十一 孔穎

達詩南山有臺正義十一又行葦十七之二 春秋僖二十二年正義十五邢疏

孫曰黃髮髮落更生者耆面凍梨也如浮垢老人壽徵也方

言云燕代北鄙謂耆為梨詩正義十一又十七之二 邢疏 按邢疏作



爾雅注卷一  
面如東梨色行一如字今從詩  
正義所引朱子詩集傳亦同

亮信也

注曰諒知之信也一切經音義十七

展亶誠也

注曰展者言之誠亶者行之誠周禮疏八按賈雖不云舊注然擬之他注知亦舊注也

謔浪笑敖戲謔也

舍人曰謔戲謔也浪意朗也笑心樂也敖意舒也戲邪戲也

謔笑之貌也詩正義二之一邪疏按詩正義朗誤作萌今從邪疏舊本邪戲也上有笑今按當衍

繇於也

孫曰繇音由又音遙釋文

仇讎敵匹也

注曰怨之匹也一切經音義六

李曰仇怨之匹也怨耦曰讎一切經音義二又九

孫曰仇相求之匹也詩正義一之一邪疏又十八

如媿也

某氏曰詩云天立厥妃詩正義十六之四

紹肩繼也

舍人曰紹繼道也肩繼世也春秋隱十一年正義四一切經音義八又九

頤靜也

孫曰頤五鬼反釋文

悠遠也

舍人曰悠行之遠也一切經音義九

圯毀也

孫曰圯房美反岸毀也釋文



崇充也

舍人曰威大充盛

春秋正義二十疑舍人本崇作威

尸案也

釋文案孫郭本竝七代反下句及注同樊七在反

果肩堪勝也

釋文悞本今作果堪字又作戡

孫曰悞決之勝也戡強之勝也

書正義十 邢疏一切經音義九

舍人曰肩強之勝也

書正義九 邢疏

劭勉也

注曰劭美也

文選四十六豪士賦序注又五十五演連珠五十首注

昏強也

孫曰昏夙夜之強也書曰不昏作勞

書正義九 邢疏

台我也

孫曰台牟而反

釋文

余身也

舍人曰余卑謙之身也

春秋正義十三 邢疏作謙卑之身

孫曰余舒遲之身也

春秋正義十三 邢疏

餒進也

注曰甘之進也

僧行均龍龕手鑑四

介右也

孫曰介者相助之義

詩正義十七之一 邢疏

泯罄殲盡也

李曰泯沒之盡也

詩正義十五之三

孫曰罄竭之盡也

一切經音義九

舍人曰殲眾之盡也

書正義七 春秋正義九又十五 邢疏

蕪豐也

釋文蕪古本作隸



擊聚也

孫曰擊子由反釋文

寔速也

舍人曰寔意之速詩正義四之一

濂虛也

某氏曰周禮云野荒民散則削之詩正義十八之五按大

義云荒虛釋詁文引某氏此注以證又云唯某氏之本有荒字耳其諸家爾雅則無之按釋文濂郭云本或作荒則荒即濂字之異文非濂字外更有荒字也

痛瘖虺殞予黃瘡癩癧瘰癧瘰癧瘰癧病也郭景純注虺殞予黃說者謂之馬病

孫曰痛人疲不能行之病瘖馬疲不能進之病虺殞馬疲不能升高之病予黃馬更黃色之病癩者畏之病也瘰者滯之

病也瘰疫病也釋文詩正義一之二詩釋文上邢疏

注曰瘰勞病也手鑑四閔言鬻子之病詩正義八之三疑亦本舊注

舍人曰瘋癩瘰瘵皆心憂憊之病也釋文邢疏

恤憂也

孫曰恤救之憂也一切經音義九

勤勞也

孫曰勤習事之勞也詩正義二之二邢疏

勞來勤也

舍人曰勞力極也來強事也一切經音義九又十三

怒思也

舍人曰怒志而不得之思也詩正義一之三邢疏志訛恚

戩祓祐福也

孫曰戩音箭祓除之福詩正義十七釋文



注曰祐天之福也一切經音義二按祐字从古古字訓天也

也爭鳥箋古帝天也故祐為天之福

禋祀祠祭也

孫曰禋絜敬之祭也書正義三春秋正義四張

舍人曰祀地祭也祠天祭也一切經音義二又二十二又二十三不云舍人

嚙危也

注曰事之危也手鑑二

饑汙也

釋文汙樊孫虛乞反

孫曰汙近地詩正義十七邢疏

亶祐厚也

某氏曰詩云俾爾亶厚詩桑柔正義十八之二

注曰祐謂福厚也一切經音義二

食偽也

孫曰食言之偽也書正義八春秋正義十六邢疏

話言也

舍人曰話政之善言也書正義十七

孫曰話善人之言也書正義九又十七邢疏

還見也

注曰心不欲見而見曰還手鑑四

匿微也

舍人曰匿藏之微也春秋正義六邢疏

妥止也

孫曰妥他果反釋文

柔安也



某氏曰詩云懷柔百神詩正義十

弛易也釋文施李音尸紙反下音亦

毗劉暴樂也釋文毗樊光本作庇暴本又作爆樂本又作爍按詩正義引舍人注作爆爍則釋文所指當即是

舍人本

舍人曰毗劉爆爍之意也木枝葉稀疎不均為爆爍詩正義

邢疏

樊曰庇蔭也釋文

覲鬃第離也郭注第離孫叔然字別為義

楨翰榦也

舍人曰楨正也築牆所立兩木也翰所以當牆之兩邊障土

者也書正義二十詩正義十四之二秋正義十又二十二又二十五邢疏

圍垂也

舍人曰圍拒邊垂也詩正義十八之二春

孫曰圍國之四垂也詩正義十八邢疏

嗟咨嗟也

注曰嗟楚人發語端也文選五左太冲吳都賦劉淵林注

串習也

舍人曰串心之習也一切經音義九又十七又十八

塵久也

孫曰塵居之久也書正義九

閒代也

孫曰閒厠之代也書正義五

饁饗饋也

孫曰饁野之饋也詩正義八之一又十九之四春秋正義十七又二十六



舍人曰饗自家之野也

詩正義十四之一 邢疏

棲遲慙歔歔咽息也

釋文歔孫今作快又詩正義云暨與咽古今字

舍人曰棲遲行步之息也慙臥之息也

詩正義七之一一切經音義一又十九

邢疏

注曰慙止之息也

一切經音義二又二十二浙本按此當是李孫義

孫曰歔虛貴反咽許器反

釋文

某氏曰詩云民之攸咽

詩正義十七之三

供峙具也

文選注引舍人作共侍

舍人曰共具物也侍具事也

文選八揚子雲羽獵賦李善注文選注舍人上衍郭字

伯長也

舍人曰伯位之長也

一切經音義九

算數也

舍人曰釋數之曰算

書正義十

亂澠治也

舍人曰亂義之治也

書正義九邢疏

孫曰亂治之理也

書正義九邢疏

某氏曰詩云澠此羣醜

詩正義二十一按詩注作屈此羣醜箋云屈治正義云屈治釋詁文

彼屈作澠某氏引此詩是音義同也據正義說知某氏引詩作澠字蓋所引者是韓魯詩一與毛氏同也

濫慎也

舍人曰濫行之慎也

詩正義十九之一 邢疏

某氏曰詩云假以濫我

詩正義十九之一詩云二字以意增

任佞也

孫曰任似可任之佞也

書正義三 邢疏

讓因也

釋文讓樊孫如羊反作讓



樊曰論語其父攘羊

釋文按釋文本作樊孫今以時次先者為主下仿此

珍享獻也

舍人曰獻珍物曰珍獻食物曰獻

文選八揚子雲羽獵賦注

篡俘取也

注曰盜位曰篡

一切經音義二

李曰囚敵曰俘伐執之曰取

春秋正義十五邢疏

在察也

舍人曰在見物之察

書正義二

栝察也

李曰栝槁木之餘也

書正義九邢疏

賡續也

孫曰賡音庚

釋文

卽尼也

孫曰卽猶今也尼者近也

書正義十郭同按郭景純注爾雅襲用舊說於孫氏尤多後遇

郭義與古注同者多書郭同二字以驗其所本也

尼定也

舍人曰尼者私之定也

邢疏

暱近也

舍人曰暱戚之近也

春秋正義十一

孫曰暱親之近也

書正義十一文選十六陸士衡歎逝賦注又二十六顏延年和謝靈運詩注又三

十謝惠連七月七日夜詠牛女詩注郭同

卒已也

李曰卒事之已也

一切經音義九

卒終也



舍人曰卒病之終也一切經音義九

殂落死也

李曰殂落堯死之稱書正義邢疏

釋言第二

斯離也

孫曰斯析之離詩正義七之一毛詩音義中邢疏

徇徧也

釋文徇樊本作徇辭峻反

駟傳也按春秋正義及釋文則舍人與孫駟俱作驛

舍人曰驛尊者之傳也春秋正義二十

荒奄也

孫曰荒大之奄也詩正義十六之四又十七之三邢疏

侈恃也

注曰恃事自侈也一手鑑

鞠穉也

詩正義八之二引釋言作育稚也鄙璞曰一作毓未詳是誰氏本廣雅釋言毓稚也

荐原再也

釋文原舍人本作廛

救撫也

孫曰荐草生之再也春秋正義二十九邢疏

臞瘠也

舍人曰臞瘦也史記司馬相如列傳索隱

旒充也

釋文旒按介正今文之學也當本作旒引書旒被四表叔然通古文因孫作光定作光字旒或作橫

爽忒也



孫曰忒變雜不一

詩正義十八之五又二十之二 邢疏

饋餽稔也

釋文稔字又作餽 按毛詩音義下引孫正文作餽

孫曰烝之曰饋均之曰餽

詩正義十七之三 毛詩音義下

媵將送也

孫曰送女曰媵將行之送也

詩正義十九之三 後漢書十上李賢注 一切經音義 邢

疏

流覃也

釋文覃本又作尋字按釋文則孫炎亦作尋

孫曰尋古覃字

釋文

佻偷也

李曰佻偷薄之偷也

春秋正義四十五疏 上偷字當衍

邢

孫曰偷苟且也

春秋正義四十五 郭同

啜茹也

舍人曰啜茹食也

春秋正義五十四

禦圍禁也

舍人曰禦圍未有而預防之也

一切經音義九又二十四

愷悌發也

按詩正義則舍人等本愷俱作闔

舍人曰闔明發行

詩正義五之二

峻農夫也

孫曰農夫田官也

詩正義八之一 邢疏

蓋裂也

釋文蓋古害反 舍人本作害

邕載也

釋文謝氏云邕字又作擁 釋云擁者護之載 疏同

誣諉累也

孫曰楚人曰誣秦曰諉

釋文 邢疏

漠清也



樊曰漠然清貌

釋文邢疏

庇麻廕也

舍人曰庇蔽也

春秋正義十六邢疏

孫曰庇覆之廕也

一切經音義九

儂吧也

孫曰心吧也

詩正義十八之二邢疏

祺祥也

舍人曰祺福之祥

詩正義十九之一邢疏

某氏曰詩云維周之祺

詩正義十九之一舊訛植今從宋本

普廢也

李曰替去之廢也

一切經音義九

琛寶也

舍人曰美寶為琛

詩正義二十一義下邢疏御覽八百二

凌慄也

釋文凌樊注作凌力膺反

樊曰凌冰凜也

釋文

蠲明也

樊曰蠲除垢穢使令清明

邢疏

茅明也

舍人曰茅昧之明也

春秋正義二十三邢疏

明朗也

樊曰詩云高朗令終日月光明

春秋正義四十三

坎律銓也

樊曰坎卦水也水性平律亦平銓亦平也

春秋正義二十三邢疏

冥幼也

詩正義幼爾疋亦或作窈



孫曰冥深闇之窈也

詩正義十一之二

某氏曰詩曰噦噦其冥

詩正義十一之二

麓也

釋文麓李本作義呂銳反

舍人曰麓謂毛也

書正義六十八之四

邢疏

按書正義作謂毛也胡人續羊毛而作衣今從詩正義舍人義多兩訓如崇充也曰威大充盛庶侈也曰庶眾也侈多也隍壑也曰隍城池也壑溝也訓例最古

孫曰毛麓為麓

書正義六

烘燎也

舍人曰烘以火燎也

詩正義十五之二 邢疏

孫曰烘音恭

文釋

樊藩也

孫曰樊圃之藩也

詩正義五之一又十四之三 邢疏

庶侈也

按詩楚茨為豆孔庶箋庶侈也正義云釋言文引舍人余正庶侈也為證釋文侈字又作侈

舍人曰庶眾也

詩正義十三之二

孫曰庶豐多也

詩正義十三之二

樊駟也

釋文駟在魯反又子朗反沈集注本作登音同孫樊二本竝作將且而無樊駟沈集眾本合為一字按釋文則郭本作樊駟樊孫本作將且如麇駟粗字皆有麇音而竝从且可字从且得音故可省作將且與樊孫本正同沈不識字証也廣雅釋言亦作將且也與樊孫本又背郭氏之義以將且合一作樊豎也既違樊孫之本又背郭氏之義

舫泐也

釋文舫樊本作舫泐誤作泐今從毛詩音義上寫正

孫曰方木置水中為柎也

詩正義一之三毛詩音義邢疏詩音義則孫本同樊作柎

洵均也

李曰洵徧之均也

詩正義十八之二 邢疏

某氏曰詩云菀彼桑柔其下侯洵

詩正義十八之二引釋言云某氏引此詩

逮逌也



孫曰還徒荅反

釋文

憺怒也

舍人曰憺怒聲也

詩正義十七之四 邢疏

揆度也

孫曰揆商度也

一切經音義九

怒飢也

李曰怒宿不食之飢也

詩正義一之三 邢疏

里邑也

李曰里居之邑也

春秋正義三十

縞介也

釋文李孫顧舍人本並云縞羅也介別也

苞稂也

孫曰物叢生曰苞齊人名曰稂

詩正義六之二 邢疏

迨寤也

釋文孫本吾字作午按釋文迨寤作午吾

孫曰午吾補反

釋文

渝變也

釋文渝舍人作龠

宐肴也

李曰宐飲酒之肴也

詩正義四之三 邢疏

耄老也

舍人曰年六十稱也

春秋正義十三

孫曰耄他結反鐵也老人面如生鐵色

詩正義六之三 邢疏 按耄與

鐵同詩駟鐵漢地理志作四載

絢絞也

李曰絢繩之絞也

詩正義八之一 邢疏

跋躡也蹇踳也



李曰跋前行曰躡踏卻頓曰蹇

詩正義八之三 邢疏

烝塵也

孫曰烝物久之塵

詩正義十八之二 邢疏

飫私也

孫曰飫非公朝私私飫飲酒也

詩正義九之二 邢疏

孺屬也

李曰孺骨肉相親屬也

詩正義九之二 邢疏

窵閒也

釋文窵舍人本作眺

舍人曰眺者躍之閒

釋文

檢同也

釋文檢李郭居儉反

郵過也

舍人曰尤怨人也

文選六十賈誼弔屈原文注 按列子揚朱篇矜清之郵殷敬順釋文引尔正尤過

也是郵尤通郭讀作郵驛字誤也賓之初筵不知其郵箋郵過也

遜遜也

釋文遜字又作遁

孫曰遁逃去也

詩正義八之三

斃踣也

春秋正義左氏音義孫炎注文踣俱作什

孫曰前覆曰什

春秋正義五十五左氏音義六

償僵也

舍人曰背踣意也

春秋正義三

虹潰也

釋文虹李本作降下降反

闔臺也

孫曰積土如水渚所以望氣祥也

毛詩音義上

鬱氣也

李曰鬱盛氣也

一切經音義二又二十



祈叫也

孫曰祈為民祈福叫告之辭也

一切經音義九

濬深也哲智也

舍人曰濬下之深也哲大智也

書正義三邢疏

弁蓋也

孫曰弁覆

詩正義二十之二

握具也

釋文握李本作幄

李曰幄居位處之具也

釋文邢疏

闕恨也

釋文恨孫炎作很春秋正義李巡本作恨

李曰相怨恨

春秋正義十郭同

孫曰相狠戾也

春秋正義十五引孫注經釋文邢疏

燬火也

李曰燬二名火

詩正義一之三文作一音火與孫

邢疏釋

孫曰方言有經重故謂火為燬也

詩正義一之三釋文邢疏

懈怠也

注曰懈者極也怠者嬾也

一切經音義十八

惶暇也

春秋正義引舍人李巡注惶俱作遑

舍人曰閒暇無事也

春秋正義三十

李曰遑閒暇也

春秋正義三十九

宵夜也

舍人曰宵陽氣消也

書正義二邢疏

釋

遞迭也

李曰遞者更迭

書正義五邢疏

矧况也

邢疏謝氏曰志譬况是也



廩廩也

郭注或說云卽倉廩

舍人曰廩少鮮也

釋文邢疏

孫曰廩藏穀鮮絜也

釋文邢疏

逭逃也

樊曰行相避逃謂之逭

書正義八

干扞也

孫曰干楯所以自蔽扞也

書正義四 詩正義一之二 毛詩音義上 邢疏

跽則也

李曰斷足曰則也

書正義十九 春秋正義九 邢昺校元行冲孝經正義六

燠煖也

舍人曰燠溫煖也

書正義十二

塊塌也

孫曰塌土塊也

儀禮疏十三

啓跪也

李曰啓小跪也

春秋正義三十又三十九

覩媿也

舍人曰覩擅也一曰覩貌也謂自專擅之貌

釋文

孫曰覩人面媿然也方言云楚鄭或謂狡獪爲媿媿猶獪也

凡小兒多詐謂之媿

釋文邢疏 按釋文本作孫李云今以孫叔然注尔疋多引方言故從孫

鬻糜也

春秋正義引經文與孫郭注俱作糜

孫曰鬻淖糜也

春秋正義十六又四十四 左氏音義五

翽燾也

李曰翽舞者所持燾也

詩正義四之一 邢疏

孫曰燾舞者所持羽也

詩正義四之一 邢疏



隍壑也

舍人曰隍城池也壑溝也

詩正義十  
八之四

李曰隍城池壑也

詩正義十  
八之四

芼舉也

釋文郭音義云  
本又作毛蹇

孫曰皆擇菜也

詩正義一之  
一邢疏

某氏曰舉猶援也

詩正義一之  
一邢疏

狃復也

釋文復  
李音服

李曰狃能屈伸曰復

釋文

孫曰狃伏前事復為也

詩正義四之二  
釋文邢疏  
按伏舊多誤作伏今從釋文

班賦也

李曰班謂賦與也

一切經音  
義十四

孫曰謂布與也

書正義三  
郭同

縉綸也

孫曰皆繩名也

詩正義一之  
五邢疏

簞盞也

李曰吐沫簞也

釋文  
邢疏

寬綽也

孫曰性之裕者

邢疏

華皇也

舊例作皇華釋文石經俱作華皇按郭注釋草引釋言  
云華皇也尚未誤今據此移正按詩有唐棣之華皇皇

者華常棣之華維常之華裳裳者華白華菅兮苕之華故釋言  
總釋之云華皇也邢疏云以證皇亦華榮之名是誤倒已久

釋訓第三

明明斤斤察也

釋文斤斤  
樊居觀反

舍人曰明明甚明也斤斤物精詳之察也

詩正義十八之五  
釋文邢疏

孫曰明明性理之察也斤斤重慎之察也

詩正義十八之五  
釋文後漢書十八







孫曰赫赫顯著之迅詩正義十八之五 邢疏

樊曰詩云濯濯厥靈釋文

樽樽喜也

舍人曰樽樽舞貌釋文

瞿瞿休休儉也

李曰皆良士顧禮節之儉也詩正義六之一 邢疏

蹻蹻僑也詩正義引孫炎 尔正僑作蹻

孫曰謂驕慢之貌詩正義十七之四

夢夢亂也

孫曰夢夢昏昏之亂也詩正義十八之一 邢疏

邈邈悶也

舍人曰藐藐憂悶也詩正義十八之五 邢疏

僂僂惛也

孫曰僂僂崩亾冰二反釋文

版版蕩蕩僻也

李曰版版者失道之僻也盪盪者勿思之僻也釋文 邢疏

孫曰蕩蕩法度廢壞之僻詩正義十八之一

居居究究惡也

李曰居居不狎習之惡詩正義六之二 邢疏

孫曰究究窮極人之惡詩正義六之二 邢疏

仇仇敖敖傲也釋文 敖敖本又作 警舍人本傲作毀

舍人曰仇仇無倫理之貌警警眾口毀人之貌釋文 李同 按毛詩十月

之交讒口囂囂釋文云韓詩作替替漢書劉向傳引詩讒口 替替潛夫論賢難引作讒口敖敖蓋古文囂字今文作替替也 者替之異敖者替之省同為一字是韓魯囂囂竝作替替也 左傳桓十三年莫敖漢書五行志中上載左傳作莫囂此囂



為替古文之證尔正郭本作敖與今左傳及潛夫論合惟傲字當從舍人本作毀

仳仳瑣瑣小也

舍人曰仳仳形容小貌瑣瑣計謀褊淺之貌詩正義十二之一 釋文 邢

疏

慘慘愠也

李曰慘慘憂怒之愠詩正義十八之一 邢疏

殷殷憂也

釋文 慤慤樊光於謹反本今作殷殷又見毛詩音義下

昫昫田也

注曰詩云昫昫原隰詩正義十三之二

畎畎耜也

舍人曰畎畎耜入地之貌詩正義十九之四 邢疏

郝郝耕也

按詩正義引舍人尔正本郝郝作釋釋

舍人曰釋釋猶藿藿解散之意詩正義十九之四 邢疏

按注尔正者當引詩其耕郝郝舍人當云郝郝猶藿藿郝藿聲相近不當作釋字毛作澤澤釋與澤同疑是後人順毛而改

釋釋生也

舍人曰穀皆生之貌詩正義十九之四 邢疏

絲絲穠也

釋文 庶字書作穠則尔正本作庶詩正義引孫炎尔正作庶與釋文合

孫曰絲絲言詳密也詩正義十九之四 邢疏

掙掙穫也

孫曰掙掙穫聲也詩正義十九之四 邢疏

栗栗眾也

李曰栗栗積聚之眾也詩正義十九之四 邢疏

溘溘漸也焯焯烝也

樊曰詩云釋之溘溘烝之焯焯詩正義十七之一引釋訓云樊光引此詩



孫曰溘溘浙米聲煇煇炊之氣詩正義十  
七之一

峨峨祭也

舍人曰峩峩奉璋之貌詩正義十  
六之三

鏗鏗樂也詩正義引舍  
人作隍隍

舍人曰隍隍鐘鼓之樂也詩正義十九之二  
通皆同亦正作鏗舍人當作鏗順

毛改  
作鏗

穰穰福也

舍人曰穰穰眾多之貌也詩正義十  
九之二

某氏曰詩云降福穰穰詩正義十  
九之二

子子孫孫引無極也

舍人曰子孫長行美道引無極也詩正義十三  
之二 邢疏

顒顒叩叩君之德也

孫曰顒顒體貌溫順也叩叩志氣高遠也詩正義十  
七之四

藹藹萋萋臣盡力也

舍人曰藹藹賢士之貌萋萋梧桐之貌詩正義十  
七之四

孫曰言眾臣竭力則地極其化梧桐盛也詩正義十  
七之四

儵儵罹禍毒也釋文儵儵樊  
本作攸攸

樊曰詩云攸攸我里釋文里舊本訛  
思今從宋刻

皋皋瑁瑁刺素食也釋文皋皋樊本  
作浩古老反

舍人曰皋皋不治之貌詩正義十八之五 邢疏 按余正  
當本作浩浩舍人注同樊當引詩云

浩浩訛訛後人據  
毛詩改為皋皋

某氏曰鞞鞞無德而佩空食祿也詩正義十三之一 又  
十八之五 邢疏

惺惺憂無告也釋文惺惺  
樊本作遙

憲憲洩洩制瀆則也



李曰皆惡黨為制灋則也詩正義十七之四 邢疏

孫曰厲王方虐諂臣竝為制作法令詩正義十七之四 邢疏

詭譎諂諂崇讒慝也

舍人曰詭譎諂諂皆盛烈貌詩正義十七之四 邢疏

孫曰厲王暴虐大臣詭譎然喜諂諂然盛以興讒惡也詩正義十七

七之四  
邢疏

注曰言隱匿其情以飾非釋文慝諸儒竝女陟反

翕翕訛訛莫供職也

李曰君闇鄙臣子莫親其職詩正義十二之二

抑抑密也

舍人曰威儀密靜也詩正義十八之一 邢疏

掣曳也

孫曰謂相掣曳入於惡也詩正義十九之四 邢疏

朔北方也

舍人曰朔盡也北方萬物盡故言朔也書正義二 邢疏

李曰萬物盡於北方蘇而復生故言北方書正義二 邢疏

謏忘也

孫曰詩云焉得謏草詩正義三之三 邢疏

饔酒食也釋文饔舍人本作喜

舍人曰古曰饔釋文按釋文則古曰饔亦當作喜

李曰得酒食則喜歡也詩正義八之一 邢疏

舞號雩也

孫曰雩之祭有舞有號釋文 邢疏

既微且尫胥瘍為微腫足為尫



孫曰皆水溼之疾也

詩正義十二之三 邢疏

是刈是獲獲煮之也

舍人曰是刈刈取之是獲煮治之

詩正義一之一 邢疏

孫曰煮葛以為絺綌

詩正義一之三

履帝武敏武迹也敏拇也

釋文敏舍人本作敏疑舍人是拇作敏

舍人曰古者姜嫄履天帝之迹於畎畝之中而生后稷

釋文

孫曰拇跡大指處

詩正義十七之一

張仲孝友

李曰張姓仲字其人孝故稱孝友

詩正義十之二 邢疏

美女為媛

孫曰君子之援助然

詩正義三之一 邢疏

美士為彥

舍人曰國有美士為人所言道也

詩正義四之三 書正義八 邢疏

其虛其徐威儀容止也

孫曰虛徐威儀謙退也

詩正義二之三 邢疏

目上為名

孫曰目上平博

詩正義五之二 邢疏

之子者是子也

李曰之子者論五方之言是子也

詩正義一之三 邢疏

禮裼肉袒也

李曰禮裼脫衣見體曰肉袒

詩正義一之二 邢疏

孫曰袒去裼衣

詩正義四之二 邢疏

暴虎徒搏也

舍人曰無兵空手搏之

詩正義四之二



馮河徒涉也

李曰無舟而渡水曰徒涉

詩正義十二之二 邢疏

遽條口柔也

舍人曰遽條巧言也

釋文

李曰遽條巧言好辭以口饒人是謂口柔

詩正義二之三 釋文 邢疏

孫曰遽條之疾不能俯口柔之人視人顏色常亦不伏因以

名云

釋文 郭同

戚施面柔也

舍人曰戚施令色誘人

釋文

李曰戚施和顏悅色以誘人是謂面柔也

詩正義二之三 釋文 邢疏

孫曰戚施之疾不能仰面柔之人常俯似之因以名云

釋文 郭同

夸毗體柔也

舍人曰夸毗卑身屈已也

釋文 史記 索隱二十

樊曰詩云無為夸毗

釋文

李曰屈已卑身求得於人曰體柔

詩正義十七之四 邢疏

孫曰屈已卑身以柔順人也

釋文 郭同

婆娑舞也

李曰婆娑盤辟舞也

詩正義七之一 邢疏

孫曰舞者之容婆娑然

詩正義七之一 邢疏

緘羔裘之縫也

孫曰緘縫之界域

詩正義一之四 毛詩音義 詩疏誤作緘之為界域

殿屎呻也

孫曰人愁苦呻吟之聲也殿丁見反屎香夷反

詩正義十七之四 邢疏

唐何超晉書音義下



併張誑也

孫曰眩惑誑欺人也書正義十六

釋親第四

父之姊妹為姑

樊曰春秋傳云姑姊妹春秋正義三十一

孫曰姑之言古尊老之名也詩正義二之三

宗族按宗族字毛本及諸本俱在釋親第四下今從石經與宋刻鄭樵注本移於此與諸篇合下母黨妻黨同

母之舅弟為舅

孫曰舅之言舊尊長之稱詩正義六之四 邢疏 按古聖

稱也郭多闕而不解非也不有孫氏之說即舅姑之稱且不識於義云何矣古注其可廢乎

母黨

妻之姊妹同出為姨

孫曰同出俱已嫁也詩正義三之二 郭同 春秋正

女子謂姊妹之夫為私

孫曰私無正親之言詩正義三之二 邢疏

女子同出謂先生為妯後生為娣

孫曰同出謂俱嫁事一夫也公羊傳曰娣者何弟也此其義

也春秋正義八又二十七又五十二 郭同

妻黨

爾雅漢注卷上



爾雅漢注卷中

武進 臧鏞堂撰

承德 孫馮翼校訂

釋宮第五

宮謂之室室謂之宮

李曰所以古今通語明實同而兩名

書正義十一 郭同案古今通語當作通古

今語

牖戶之間謂之辰

李曰謂牖之東戶之西為辰

書正義十八

其內謂之家

李曰謂門以內也

詩正義十六之二

東西牆謂之序

書正義十八後漢書注五十七文選注十一御覽引舍人爾雅作廂則作廂即疑即舍人本郭從孫不從舍人

疑即舍人本郭從孫不從舍人



舍人曰殿東西堂序尊卑處太平御覽一百八十五

孫曰堂西牆所以別序內外也書正義十八

西南隅謂之奧

孫曰室中隱奧之處也書正義二邢疏郭同

西北隅謂之屋漏

舍人曰古者徹屋西北扉以炊浴汲者訖而復之故謂之屋

漏也太平御覽一百八十八抑箋云屋小帳也漏隱也禮祭於奧既畢改設饌於西北隅扉隱之處此祭之末也

舍人蓋亦訓漏為扉隱與鄭同也

孫曰屋漏者當室之白日光所漏入也詩正義十八禮記正義一公羊疏十七

邢疏

東北隅謂之宦

舍人曰東北隱氣始起萬物所養故謂之宦也御覽一百八十八

李曰東北者陽氣始起育養萬物故曰宦宦養也釋文邢疏

孫曰日側之明禮記正義一

東南隅謂之突

舍人曰東南萬物生蟄蟲必出無不由戶突御覽一百八十八案必與畢

通禮月令寢廟畢備呂紀作必備

秩謂之闕

孫曰秩門限也詩正義四之四春秋正義十五邢疏

棖謂之檝

李曰棖謂柵上兩旁木釋文詩正義四之四邢疏

樞謂之椳

孫曰門戶扇樞開可依蔽為椳也御覽一百八十四

牆謂之墉



李曰謂垣牆也詩正義一之四 邢疏

鏝謂之朽

李曰鏝一名朽塗工之作具釋文 春秋正義四十

榘謂之榘

孫曰榘斲材質也詩正義二十之四 邢疏

檝謂之杙

李曰杙謂檝也詩正義一之二 禮記正義二十八 毛詩音義上 郭同

大者謂之拱

注曰拱杙也大者謂之拱杙也帝範審官篇注

闈謂之臺有木者謂之榭

李曰臺積土為之所以觀望也臺上有屋謂之榭書正義十禮記

正義十六 春秋正義二十四又四十七 邢疏

雞棲於弋為禼鑿垣而棲為埭

李曰別雞所棲之名也弋檠也寒鄉鑿牆為鷄所棲曰埭詩正義四之一 邢疏

義四之一 邢疏

其上楹謂之稅

李曰梁上短柱也禮記正義三十一

孫曰梁上侏儒柱禮記正義二十三

開謂之楝御覽引作疾

舍人曰朱儒下小方木御覽一百八十八

桷謂之柶釋文柶音節舊本及論語禮記皆作節 案禮記正義引孫炎爾雅作節又云李巡本節作柶今郭本作

柶則郭從李也

李曰桷謂樽櫨也一名節即今之斗拱禮記正義二十三又三十一

桷謂之榱



注曰桷椽也一曰屋角斜枋一曰栒也帝範審官篇注

檐謂之檐

孫曰謂室栒周人謂之栒齊人謂之檐賈公彥儀禮疏十五

門屏之間謂之宁

李曰門屏之間謂正門內兩塾間名曰宁詩正義五之一禮記正義五邢

疏

孫曰門內屏外人君視朝所宁立處也詩正義五之一

屏謂之樹

舍人曰以垣當門蔽為樹御覽一百八十五

李曰垣當門自蔽名曰樹禮記正義五邢疏

闕謂之門

李曰闕故廟中門名也詩正義十三之二春秋正義三十五邢疏

孫曰祊謂廟門也詩云祀祭於祊詩正義十三春秋正義三十五

正門謂之應門

李曰宮中南嚮大門應門也禮記正義三十一

孫曰謂廟門也詩正義十六郭同

觀謂之闕

孫曰宮門雙闕者舊縣法象使民觀之處因謂之觀禮記正義二十

一詩正義四之四一

宮中之門謂之闕

孫曰闈宮中相通小門也春秋正義五十九郭同

其小者謂之闈小闈謂之閤

李曰皆門戶大小之異公羊疏十五



衙門謂之闕

李曰衙巷頭門也

春秋正義三十一又四十

門側之堂謂之塾

孫曰夾門堂也

書正義十八郭同

瓠瓠謂之甃

李曰瓠瓠一名甃

詩正義七之一

宮中衙謂之壺

孫曰巷舍間道也

詩正義十二之三義三十又三十一

春秋正義邢疏

廟中路謂之唐

李曰唐廟中路名

詩正義七之一

孫曰詩云中堂有甃

詩正義七之一

堂途謂之陳

孫曰堂途堂下至門之徑也

詩正義七之一又十二之三郭同

二達謂之岐

釋文岐音支本作岐音支

孫曰岐道旁出也

徐堅初學記二十四郭同案初學記載九達注不詳誰氏詩正義邢疏文選注

有作孫炎者初學記下復引一條亦作孫炎今定為孫注此條與郭同

三達謂之劇

孫曰旁出岐多故曰劇

詩正義一之三初學記二十四邢疏

四達謂之衢

李曰四達各有所至曰衢

公羊疏二十六

孫曰衢交通四出是也

公羊疏二十六荀子勸學篇楊倞注

五達謂之康

孫曰康樂也交會樂道也

詩正義一之二初學記二十四邢疏

六達謂之莊



孫曰莊盛也道繁盛詩正義一之二 初

注曰六道旁出春秋正義三十八注爾雅者皆以爲六道旁出四十五引舊說同

七達謂之劇驂

孫曰三道交復有一岐出者驂馬有四今此有七比之方驂

劇初學記二十四 詩正義一之三

八達謂之崇期

孫曰崇多也多道會期於此初學記二十四 文選四 左太冲蜀都賦李善注

九達謂之達

李曰達並容九軌春秋正義四約李義 案左氏隱十一年傳及大達杜注達道方九軌也正義云言

並容九軌皆得前達李巡注 爾雅亦取竝容九軌之義

孫曰達一曰馘言似龜背故曰馘見說文初學記二十四

注曰四道交出復有旁通春秋正義四 郭同

隄謂之梁

李曰隄防也障也一切經音義二又十四 又十八又二十四

室有東西廂曰廟文選注引舍人 爾雅廟字作廊

舍人曰殿有東西小堂也文選二十四潘安仁爲 賈謐作贈陸機一首注

李曰室有東西廂謂宗廟殿有東西小堂也公羊疏十六

孫曰廂夾室前堂也公羊疏十六 文選八 司馬長卿上林賦注

無室曰榭

李曰無室曰榭者但有大殿無室內名曰榭禮記正義十六 公羊疏十六

孫曰榭但有堂也書正義十一

釋器第六

盎謂之缶

孫曰缶瓦器詩正義七之 邢疏



甌甌謂之甌

孫曰甌瓦器受斗六升史記貨殖傳集解

康瓠謂之甌釋文康孫郭如字李本作光

李曰康謂大瓠瓢也司馬貞史記屈原賈列傳索隱文選六十賈誼弔屈原文注

斲斲謂之定

舍人曰斲斲鉏也一名定齊民要術一御覽八百二十三

李曰斲斲鋤也定鋤別名釋文詩正義十九之二春秋正義十六 邢疏

纓罟謂之九罟

孫曰九罟謂魚之所入有九囊也詩正義八之三 邢疏

嫠婦之笱謂之罍

孫曰罍曲梁其功易故謂之寡婦之笱詩正義九之四 邢疏

翼謂之汕

舍人曰以簿翼魚曰翼者也御覽八百三十四

李曰汕以簿汕魚也詩正義十之一 邢疏

孫曰今之橈罟詩正義十之一 郭同

篚謂之罩

李曰篚編細竹以為罩捕魚也詩正義十之一 邢疏

孫曰今楚篚也詩正義十之一 邢疏

糝謂之涔釋文糝爾雅舊本并詩傳竝米旁作糝案太平御覽所引尚作米旁

舍人曰以米投水中養魚為涔也太平御覽八百三十四

李曰以木投水中養魚曰涔詩正義十九之三 邢疏案木字疑米字之訛

孫曰積柴養魚曰糝詩正義十九之三 邢疏

鳥罟謂之羅

李曰鳥飛張網以羅之詩正義四之一 邢疏



兔罟謂之罝

舍人曰兔自作徑路張罝以捕之

御覽八百三十二

李曰兔自作徑路張罝捕之也

詩正義一之三 邢疏一切經音義二十三

麋罟謂之罟

舍人曰麋有難制張罟也

御覽八百三十二

兔罟謂之罟

舍人曰兔剛惡齧人故張網而羅之也

御覽八百三十二

魚罟謂之罟

李曰魚罟捕魚具也

詩正義三之二 邢疏

縶謂之罝罝罟也罟謂之學學覆車也

孫曰縶芳麥反覆車是兩轆網可以掩兔者也一物五名方

言異也

詩正義四之一 禮記正義十五 釋文

邢疏

紉謂之救

孫曰紉九遇反

釋文

大版謂之業

孫曰業所以飾枸刻板捷業如鋸齒也

詩正義十六之五 邢疏

繩之謂之縮之

孫曰繩束築版謂之縮

詩正義十六之二 邢疏

彝白纍器也

李曰白纍之樽也

春秋正義十六

孫曰尊彝為上罍為下白居中

書正義二十 春秋正義十六 邢疏

小罍謂之坎

孫曰酒罍也

詩正義十三之一

黼領謂之褱



孫曰繡刺黼文以褰領詩正義六之一 郭同

衣皆謂之襟

李曰衣皆衣領之襟詩正義四之四

孫曰襟交領也詩正義四之四 顏之推家訓書證篇

衿謂之衿

孫曰衿音荐釋文

執衽謂之袪

孫曰持衣上衽詩正義一之三 郭同

扱衽謂之襍

李曰扱衣上衽於帶詩正義一之三 郭疏

衣蔽前謂之檐

李曰衣蔽前今蔽膝也詩正義十五之二 郭同 案今舊訛作衣茲從郭注校正

婦人之褱謂之縠

孫曰褱悅巾也詩正義八之二 邢疏

輿革前謂之鞞

李曰輿革前謂輿前以革為車飾曰鞞詩正義五之二 邢疏

後謂之第

李曰第車後戶名也詩正義五之二 邢疏

竹前謂之禦

李曰竹前謂編竹當車以前以擁蔽名之曰禦禦止也詩正義五之二

邢疏

孫曰禦以篔為車飾也詩正義五之二 邢疏

餒謂之餒

李曰餒餒皆穢臭也釋文 邢疏



食饘謂之餲

李曰皆飲食壞敗之名也

皇侃論語義疏五 舊誤作李克注

搏者謂之糲

李曰糲飯淖麩相著也

釋文 邢疏

米者謂之麩

李曰米飯半腥半熟名糜

釋文 邢疏

肉謂之販魚謂之餒

李曰肉敗久則臭魚餒內爛

皇侃論語義疏五 郭同作肉 爛 邢疏云內爛是郭用公羊

為說本內作肉恐誤 案邢疏云魚內爛曰餒又邢疏 論語引郭注作內爛然則皇引作肉究誤也今據改

肉曰脫之

李曰肉去其骨曰脫

禮記正義二 十八 邢疏

魚曰斲之

禮記正義引李巡爾雅作斲之公羊疏引樊光 爾雅作斲之是郭從樊也 案作斲聲相近

樊曰斲砍也

公羊疏十七 案正義十一

李曰作之魚骨小無所去

禮記正義二 十八 邢疏

冰脂也

釋文冰孫 本作疑

孫曰凝牛炆反膏凝曰脂

詩正義一之二 釋文 邢疏

魚謂之脂

注曰蜀人取魚以為鮓

書鈔一百四十六 案以為舊訛作 不去今校正說文魚部鮓魚醬也出

蜀中義正合郭璞 以為鮮屬非是

肉謂之醢

李曰以肉作醬曰醢

詩正義十 七之二

圓鼻上謂之齏

孫曰鼎斂上而小口者

詩正義十九 之四 郭同

注曰鼈子鼎

藝文類聚 七十三



款足者謂之鬲

舍人曰鼎足相去疏間曰鬲也

御覽七百五十七

鬲謂之鬻鬻鈔也

釋文鬲本或作甑詩正義引孫作甑

案

孫曰關東謂甑為鬻梁州謂甑為鈔

詩正義七之二

一羽謂之箴十羽謂之縛百羽謂之緝

孫曰蓋誤

釋文案周禮羽人職十羽為審百羽為搏十搏為縛鄭注引爾雅又云一羽則有名蓋失之矣釋

文孫鄭同意云蓋誤

木謂之虞

孫曰虞栲之植所以懸鐘磬也

詩正義十六之五

白蓋謂之苾

李曰編管苾才以覆屋曰苾也

春秋正義五十二左氏音義六一切經音義六又十四又

六十

孫曰白蓋茅苾也

春秋正義三十二邢疏

木謂之劇

玉篇木部作木謂之劇

注曰今江東斫木為檟

玉篇十二

金謂之鏤木謂之刻骨謂之切象謂之磋玉謂之琢石謂之磨

孫曰治器之名

詩正義三之二郭同

注曰治骨曰切治象曰磋治玉曰琢治石曰磨

皇侃論語疏一引爾雅

簡謂之畢

釋文畢李本作畢同

減謂之點

釋文點李本作沾孫本作玷宋玷作玷

金鏃翦羽謂之鏃

李曰金鏃以金為箭鏃也

史記五宗世家索隱文選五十一賈誼過秦論注

孫曰金鏃斲羽使前重也方言云關西曰箭江淮謂之鏃

詩正

義十七之二邢疏



骨鏃不翦羽謂之志

注曰不翦謂以鳥羽自然淺狹不復口也

御覽三百四十九

弓有緣者謂之弓無緣者謂之弭

李曰骨飾兩頭曰弓不以骨飾兩頭曰弭

春秋正義十五 邢疏

孫曰緣謂繳束而漆之無緣謂不以繳束骨飾兩頭者也

詩

義九之三 春秋正義十五 儀禮疏十三 邢疏

肉倍好謂之璧好倍肉謂之瑗肉好若一謂之環

李曰好孔也肉倍好邊肉大其孔小也好倍肉其孔大邊肉

小也肉好若一其孔及邊肉大小適等曰環

春秋正義四十七 又五十三

孫曰肉身也好孔也身大而孔小

詩正義二十之三

三染謂之纁

李曰三染其色已成爲絳纁絳一名也

書正義六 邢疏

青謂之葱黑謂之黝

孫曰黝青黑葱則青之異色

禮記正義三十

斧謂之黼

孫曰黼文如斧形

書正義五

竿謂之箴

釋文箴李本作筴同羊支反

簣謂之箴

孫曰牀也

春秋正義三十八

革中絕謂之辨

孫曰辨蒲莧反半分也

釋文

釋樂第七

宮謂之重商謂之敏角謂之經徵謂之迭羽謂之柳

劉曰宮爲四音之綱其聲重厚如君之德而爲重商聲敏疾



如臣之節而為敏角聲圓長經貫清濁如民之象而為經徵  
聲抑揚遞續其音如事之緒而為迭羽聲低平掩映自高而  
下五音備成如物之聚而為柳唐徐景安樂書引劉歆案  
釋文所引本漢志此所引或

爾雅注孫曰宮音濁而遲故曰重也釋文邢疏

大瑟謂之灑

孫曰音之布告如埽灑也禮記正義十六案邢疏作音多  
變布如灑出也釋文作出如灑也

大琴謂之離

注曰大琴曰離二十絃或傳此是伏羲所制御覽五百七十七

孫曰音多變聲流離也禮記正義十六邢疏

小者謂之應

李曰小者音聲相承故曰應應承也釋文邢疏

孫曰和應大鼓也釋文邢疏

大磬謂之馨

李曰大磬聲清燥也故曰馨馨燥也釋文邢疏

孫曰馨喬也喬高也謂其聲高也釋文邢疏

大笙謂之巢小者謂之和

舍人曰大笙音聲眾而高也小者音相和也御覽五百八十一

孫曰巢仕交莊交二反又祖交反巢高也言其聲高和應和

於笙儀禮疏五釋文邢疏

李曰小者聲少音出和也釋文邢疏  
出從宋本

大箎謂之沂

舍人曰大箎其聲悲沂鏘然也詩云仲氏吹箎也御覽五百八十一

李曰大箎其聲非一也詩正義十二之三邢疏  
段云非一恐卽悲字之誤



孫曰箎聲悲沂悲也

詩正義十二之三 邢疏 釋文引作李孫云

大墳謂之跽

案釋文詩正義引李孫跽作叫

注曰墳壘銳上平底形象秤錘大者如鶯子聲合黃鍾大呂

也小者如雞子聲合大簇夾鍾也皆六孔與箎聲相諧故曰

壘箎相應

御覽五百八十一 案御覽但引爾雅曰不詳誰氏今以其中謂之仲注考之則此亦舍人義也

李曰叫大壘也

釋文

孫曰音大如叫呼也

詩正義十二之三 案邢疏也作聲

大鍾謂之鏞

李曰大鍾音聲大鏞大也

書正義五十六之五

詩正義 邢疏

孫曰鏞深長之聲

書正義五 邢疏

其中謂之剽

李曰其中微小故曰剽剽小也

釋文 邢疏

孫曰剽匹妙反剽者聲輕疾也

釋文 邢疏

小者謂之棧

孫曰棧淺也

釋文 邢疏

大簫謂之言

李曰大簫聲大者言言也

詩正義十九之三 邢疏

小者謂之筊

李曰小者聲揚而小故言筊筊小也

詩正義十九之三 邢疏

大管謂之箛其中謂之篴小者謂之箛

舍人曰大管者聲高大故曰箛者高也中者聲精密故曰篴

篴密也小者聲音清妙也

御覽五百八十一 案箛字當重

李曰聲高大故曰箛箛高也

詩正義十九之三 邢疏

其中謂之仲小者謂之箛



舍人曰仲其聲適中仲呂也小者形聲細小曰鈞也御覽五百八十八

徒歌謂之謠

孫曰聲消搖也詩正義五之三

注曰謂無絲竹之類獨歌之初學記十五

徒擊鼓謂之鞀

孫曰聲驚駟也詩正義十七之二 邢疏

徒鼓磬謂之鞀

李曰置擊眾聲蹇連也釋文

所以鼓祝謂之止所以鼓敵謂之鉞書正義五引郭注祝如漆桶方二尺四寸深一尺八寸中有椎柄連底掎之令左右擊止者其椎名也敵如伏虎背上

上有二十七鉏敵刻以木長一尺櫟之鉞者其名也馬融鄭李巡其說皆為然也惟郭璞為詳據此則郭氏此注亦本李巡但加詳耳

釋天第八

穹蒼蒼天也

釋文郭以穹及蒼蒼俱為天稱毛詩傳則以蒼天釋穹蒼按詩正義引李巡亦曰穹蒼與毛詩同

李曰古時人質仰視天形穹隆而高其色蒼蒼然故曰穹蒼

詩正義四之一又十八之二 文選二十七古辭傷歌行注宋本 邢疏

春為蒼天夏為昊天秋為旻天冬為上天

案白虎通四時篇先云春日蒼天夏日昊

天云云又云爾雅曰一說春為蒼天等是也攷詩黍離正義異義天號今尚書歐陽說春日昊天夏日蒼天爾雅亦云予之間也爾雅者孔子門人所作以釋六藝之言蓋不誤也春氣博施故以廣大言之夏氣高明故以遠大言之又尚書堯典正義二鄭乎讀爾雅云春為昊天夏為蒼天詩正義鄭讀爾雅與孫郭本異說文云春為界天元氣界界廣雅釋天東方界天是古本爾雅原作春昊夏蒼今李孫等本非古義也

李曰春萬物始生其色蒼蒼故曰蒼天夏萬物盛壯其氣昊

大故曰昊天秋萬物成熟皆有文章故曰旻天冬陰氣在上

萬物伏藏故曰上天詩正義四之一 邢疏 御覽

孫曰冬天藏物物伏於下天清於上御覽二十六



四時爾雅曰四時者四方各一時時期也物之生死各應節期而止也又曰時空也司空主地各主一方物之生死御覽十七

夏為朱明

孫曰夏氣赤而光明御覽二十一郭同

四時和謂之玉燭

李曰人君德美如玉而明若燭釋文邢疏

春為發生

李曰萬物各發生長也釋文

謂之景風

李曰景風太平之風也法苑珠林

祥

穀不熟為饑蔬不熟為饑案毛本饑作飢今從舊本

李曰五穀不成熟曰饑可食之菜皆不熟為饑詩正義十二

正義十三一切經音義十四又十八邢疏

仍饑為荐釋文荐李本作薦音同在見反

李曰連歲不熟曰荐春秋正義十三

災

太歲在甲曰闕逢

李曰萬物鋒芒欲出擁遏未通曰闕逢一切經音義十七

在丙曰柔兆說文丙位南方萬物皆成炳然律書丙者言陽道著明漢志明炳於丙柔史記作游

李曰言萬物皆垂枝布葉故曰柔兆也一切經音義十七

孫曰萬物柔婉有條兆也一切經音義十七

在丁曰強圉

李曰萬物皆剛盛未通故曰強圉一切經音義十七釋詁強丁竝訓為當是丁與疆義



同說文丁夏時萬物皆丁實律書丁者言萬物之丁壯也漢志大盛於丁圉圉通史記作梧

孫曰萬物皮孚堅者也一切經音義十七

在戊曰著雍

孫曰著直略反釋文 御覽十七引 孫炎音作猪畧反

歲陽

太歲在寅曰攝提格

李曰言萬物承陽而起故曰攝提格格起也唐開元占經三十三 張守節

史記歷書正義司馬貞史記天官書索隱

孫曰陽攝持攜萬物使之至上唐開元占經二十三

在卯曰單闕釋文單音丹又音蟬或音善闕於葛反又於虔反案史記屈賈列傳索隱孫炎本作殫焉占經無焉

字

李曰日在卯言陽氣推萬物而起故曰單闕單盡也闕起也

釋文史記歷書正義 又天官書索隱 又屈賈列傳索隱案起釋文作土史記索隱正義作止當並是上字之訛今

從屈賈列傳索隱開元占經二十三

孫曰殫猶伸也闕壅之物於此盡伸也開元占經二十三 史記屈賈列傳索隱

在辰曰執徐

李曰言伏蟄之物皆敷舒而出故曰執徐執蟄也徐舒也釋文

史記歷書正義 又天官書索隱 案釋文同史正義作敷舒史索隱作振舒 占經二十三 開元占經

孫炎曰句者必達蟄伏之物盡敷舒也開元占經二十三

在巳曰大荒落

李曰言萬物皆熾茂而大出霍然落落故曰荒落占經二十三

孫曰物長大荒蕪落莫也占經二十三

在午曰敦牂

李曰言萬物皆茂壯猗那其枝故曰敦牂敦茂也牂壯也占經



二十  
三

孫曰敦盛也腴壯也言萬物盛壯也占經二十三 史記歷書正義 天官書索

在未曰協洽

李曰協洽言陰陽化生萬物和合故曰協洽協和也洽合也

占經二十三 史記歷書正義 又天官書索隱

孫曰物生和洽含英秀也占經二十三

在申曰涪灘涪吐也說文涪食己而復吐之从水君聲太歲在申曰涪灘灘蓋訓為垂

李曰言萬物皆循脩其精氣故曰涪灘灘單盡也占經二十三 一切

經音義十七

孫曰涪灘萬物吐秀傾垂之貌也史記歷書正義 又天官書索隱作李巡注誤 占

經二十三 一切經音義十七

在酉曰作噩

史記索隱正義引李巡爾雅竝作鄂

李曰作鄂萬物皆苾枝起之貌也

史記歷書正義 又天官書索隱

占經二十一

李曰在酉言萬物墜落故曰作鄂作索也鄂茂也

孫曰作鄂者物落而枝起之貌占經二十三

孫曰噩音鄂占經二十三 御覽十七鄂作鄂

在戌曰闔茂

李曰言萬物皆蔽冒故曰闔茂闔蔽也茂冒也

史記歷書正義 天官書索

隱作孫說 占經二十三

孫曰霜闔茂物使俱落也占經二十三

在亥曰大淵獻

李曰言萬物落於亥大小深藏屈近陽故曰淵獻淵藏也獻

近也占經二十三



孫曰淵深也大獻萬物於深謂蓋藏之於外也

史記歷書正義作獻萬物

於天深於蓋藏也又天官書索隱 占經二十三

在子曰困敦

李曰在子言陽氣皆混萬物芽孽故曰困敦

占經二十三

孫曰困敦混沌也言萬物初萌混沌於黃泉之下也

史記歷書正義

又天官書索隱 占經二十三

在丑曰赤奮若

李曰言陽氣奮迅萬物而起無不若其性故曰赤奮若陽色

奮迅也若順也

史記歷書正義 經二十三

又天官書索隱 占 案陽色上疑脫一赤字

孫曰物萌色赤奮動順其心而氣始芽也

占經二十三

歲陰

案今本多無此二字史記歷書索隱曰爾雅釋天云歲陰歲陽者甲乙丙丁戊己庚辛壬癸十干是也歲陰者

子丑寅卯辰巳午未申酉戌亥十二支是也歲陽在甲云闕逢謂歲干也歲陰在寅云攝提格謂歲支也據此則本

有此二字可知今補

載歲也夏曰歲商曰祀周曰年唐虞曰載

李曰載一歲莫不覆載也夏歲商祀周年唐虞載各自紀事

堯舜三代示不相襲也

書正義一之二 史記五帝本紀正義

春秋正義四十四

孫曰四時一終曰歲取歲星行一次也祀取四時祭祀一訖

也年取禾穀一熟也載始也取萬物終而更始也載者年之

別名故以載為年也

書正義二又二十一 春秋正義二十一

又四十四 史記

記五帝本紀正義 一切經音義 十四引上二句不詳誰氏 邢疏

歲名

三月為病

釋文病李 破病反

四月為余

釋文余 孫作舒

李曰四月萬物皆生枝葉故曰余余舒也

詩正義十三 釋文



孫曰物之枝葉敷舒詩正義十

九月為令

李曰九月萬物草盡陰氣侵寒其色皆黑詩正義十五之三

將作

孫曰物衰而色令也詩云何草不令詩正義十五之三

十月為陽

孫曰純陰用事嫌於無陽故名之為陽詩正義九之三後漢書六十上李賢注

郭同

月名

南風謂之凱風

李曰南風長養萬物喜樂故曰凱風凱樂也詩正義二之二邢疏

東風謂之谷風

孫曰谷之言穀穀生也谷風者生長之風也詩正義二之二邢疏

西風謂之泰風

孫曰西風成物物豐泰也詩正義十八之二邢疏

焚輪謂之頹

李曰焚輪暴風從上來降謂之頹頹下也詩正義十三之一邢疏

孫曰迴風從上下曰頹詩正義十三之一邢疏

扶搖謂之焱

李曰扶搖暴風從下升上故曰焱焱上也詩正義十三之一文選六左太冲

魏都賦劉淵林注邢疏

孫曰迴風從下上曰焱詩正義十三之一

迴風為飄

李曰迴風旋風也一曰飄風別二名也詩正義七之二又十七之四邢疏



日出而風為暴

孫曰陰雲不興而大風暴起詩正義二之一 邢疏

風而雨土為霾

孫曰大風揚塵土從上下也詩正義二之一 邢疏

陰而風為曠

孫曰雲風曠日光詩正義二之一 邢疏

小雨謂之霖霖

李曰水雪俱下詩正義十三之二 邢疏

風雨

天根氏也

孫曰角亢下繫於氏若木之有根也史記天官書索隱一 切經音義九 郭同

天駟房也

孫曰龍為天馬故房四星謂之天駟詩正義十之三 郭同

大辰房心尾也大火謂之大辰

李曰大辰蒼龍宿之體最為明故曰房心尾也大火蒼龍宿

心以便四時故曰大辰春秋正義四十八 公羊疏二 天官書索隱 邢疏

孫曰龍心明者以為時候故曰大辰大火心也在中最明故

時候主焉春秋正義三十四又四十八 公羊疏 後漢書三十下注 郭同

析木之津箕斗之間漢津也舊本析木下有謂字邢疏云左傳 曰今在析木之津國語曰日在析

水之津者是也經典但有析木之津無析木謂之津今定本有 謂字因注云即漢津也誤矣案春秋正義引孫炎爾雅無謂字

今刪

孫曰析別水木以箕斗之間是天漢之津也春秋正義四 十四 邢疏

星紀斗牽牛也予枵虛也

孫曰星紀日月五星之所終始也故謂之星紀虛在正北北



方色爭故曰爭枵枵之言耗耗虛之意也春秋正義三十八案左太冲吳都

賦劉注引終始作經始又句首有吳分野三字但劉注引爾雅多不詳誰氏經文與注亦無別

北陸虛也史記索隱解者以陸為道

孫曰陸中也北方之宿虛為中也詩正義八之一春秋正義四十二史記天官書

索隱邢疏

營室謂之定

孫曰定正也天下作宮室者皆以營室中為正春秋正義三詩正義三

之一毛詩音義上

娵觜之口營室東壁也

李曰娵觜爭武宿也營室東壁北方宿名春秋正義四十

孫曰娵觜之次則口開方營室東壁四星方似口因以為名

也詩正義三之一春秋正義四十一一切經音義九邢疏案詩正義作娵觜之口鄭則春秋正義一切經音義

作歎則俱誤今始從邢疏

降婁奎婁也

李曰降婁白虎宿也一切經音義六又九

孫曰降下也奎為溝瀆故稱降也春秋正義四邢疏

大梁昴也

孫曰畢昴之間日月五星出入要道若津梁史記天官書索隱

西陸昴也

孫曰西方之宿昴為中也詩正義八之一春秋正義四十

濁謂之畢詩正義引李孫濁皆作囁

李曰囁陰氣獨起陽氣必止故曰畢畢止也詩正義五之二

孫曰掩兔之畢或謂之囁因以名星詩正義五之二天官書索隱郭同案郭

注作因星形以名此亦當作因星以名



味謂之柳史索隱引孫炎爾雅作烏喙謂之柳

孫曰喙朱烏之口柳其星聚也史記天官書索隱鄭注尚書大傳柳穀云柳聚也

北極謂之北辰

李曰北極天心也居北方正四時謂之北辰公羊疏二十三後漢書三十下

注

孫曰北極天之中以正四時謂之北辰公羊疏二十三釋文郭同

何鼓謂之牽牛史索隱引孫炎爾雅作河鼓唐石經同

李曰河鼓牽牛皆二十八宿名也詩正義十三之一邢疏宿誤作內

孫曰河鼓之旗十二星在牽牛之北故或名河鼓為牽牛也

詩正義十三之一史記天官書索隱邢疏案詩正義作或名為河鼓亦名為牽牛今從史索隱所引

明星謂之啟明

孫曰明星太白也晨出東方高三舍命曰啟明昏出西方高

三舍命曰太白史記天官書索隱詩正義十三之一邢疏

彗星為欃槍

孫曰欃槍妖星別名也占經八十五

孫曰妖星也四曰彗一切經音義二案曰字疑作面

奔星為灼灼

注曰流星大而疾曰奔灼便宛切占經七十一

星名

春祭曰祠夏祭曰禘秋祭曰嘗冬祭曰蒸釋文灼本或作禰案御覽引孫炎注知孫

本作

孫曰薦上帝魚禴薄也夏時百穀未登可薦者薄也御覽二十一

孫曰祠之言食禘新菜可灼嘗嘗新穀蒸進也進品物也詩正義九之三

禮記正義十二一切經音義三郭同案初學記十三引此注不詳誰氏



祭天曰燔柴

初學記作燎柴案釋文燔音煩則郭必作燔作燎疑亦孫炎本公羊僖公三十一年何休學亦作燎

祭地曰瘞蕕

李曰祭地以玉埋地中曰瘞埋

詩正義十七之二 公羊疏十二 邢疏

孫曰瘞者翳也既祭翳藏地中

詩正義十七之二 邢疏

祭山曰廋縣

李曰祭山以黃玉及璧以廋置几上遙遙而眠之若縣故曰

廋縣

公羊疏十二

孫曰廋縣埋於山足曰廋埋於山上曰縣

公羊疏十二

祭川曰浮沈

孫曰置祭於水中或浮或沈故曰浮沈

公羊疏十二

祭星曰布

李曰祭星者以祭布露地故曰布

釋文 邢疏

孫曰既祭布散於地似星辰布列也

公羊疏十二 釋文 邢疏

祭風曰磔

李曰祭風以牲頭蹄及皮破之以祭故曰磔

公羊疏十二

孫曰既祭披磔其牲以風散之也

公羊疏十二 一切經音義九

禘大祭也

孫曰禘五年一大祭也

禮記正義十二 公羊疏十二 郭同

釋又祭也

李曰明日復祭曰又祭

詩正義十 九之一

孫曰祭之明日尋釋復祭也

書正義十 春秋正義二十二 公羊疏十五

周曰釋商曰彤夏曰復肸

孫曰彤者相尋不絕之意

詩正義十九之四 書正義十 邢疏

祭名



春獵為蒐夏獵為苗秋獵為獮冬獵為狩

注曰蒐索擇取不孕者苗為苗除害也獮殺也以殺為名順

秋氣也狩圍守也冬物畢成獲則取之無所擇也左氏隱四年杜注正義曰爾雅釋天四時之獵名與此同說者皆如此注故杜依

用之据此知杜本爾雅舊經又御覽二十八載冬獵為狩注云狩守也冬物畢成

圍守取之無簡擇

孫曰擇取不孕任者若治苗去不秀實者春秋正義三約孫義 邢疏 案春

秋正義本鄭卒解苗田言擇取云云又

李曰冬圍守而取禽無所擇也詩正義四之二又五之三

火田為狩

孫曰放火燒草守其下風詩正義五之三 春秋正義七 邢疏 案春秋正義作李巡孫炎

皆云當是孫之同李者

起大事動大眾必先有事乎社而後出謂之宜

孫曰大事兵也有事祭也宜求見使祐也書正義十六之二 詩禮記正義十二作求便宜也 春秋正義二十七 邢疏

出為治兵尚威武也入為振旅反尊卑也

孫炎曰出則幼賤在前貴勇力也入則尊老在前復常法也

詩正義十之二 春秋正義三

講武

纁帛繆

孫曰為旒於繆是也詩正義三之二

維以縷

孫曰維持以縷不欲其曳也詩正義三之二

緇廣充幅長尋曰旒繼旒曰旒

孫曰緇黑繪也帛續旒末亦長尋詩云帛旒英英是也公羊疏十



注旄首曰旌

李曰以旄牛尾箸千首

詩正義三之二 春秋正義三十二 又五十四 公羊疏十六 邢疏

案旄公羊疏作釐千首 春秋正義與公羊疏皆作旄首

孫曰析五采羽注旄上也其下亦有旄縵

詩正義三之二 春秋正義三十二

又五十四

邢疏

有鈴曰旂

李曰有鈴以鈴著旄端

詩正義十九之三 春秋正義五 公羊疏十六

孫曰鈴在旂上旂者畫龍

公羊疏十六

錯革鳥曰旗

李曰以革爲之置於旄端

公羊疏十六

孫曰錯置也革急也言畫急疾之鳥於旄上也周官所謂鳥

準爲旗者矣

詩正義十之二 公羊疏十六 隋書十 御覽三百四十

注曰刻爲革鳥置竿首也

隋書十引舊說 御覽三百四十

因章曰旃

孫曰因其繪色以爲旗章不畫之

春秋正義十六 邢疏

旌旂

釋地第九

兩河間曰冀州

李曰兩河間其氣清厥性相近故曰冀冀近也

釋文 書正義六 公羊

疏 荀子修身 篇注 邢疏

河南曰豫州

李曰河南其氣著密厥性安舒故曰豫豫舒也

釋文 書正義六 公羊

疏七 邢疏



孫曰自東河至西河之南曰豫州公羊疏七 案疏作孫氏 郭氏皆云郭實異此疑疏

有誤

河西曰雒州

李曰河西其氣蔽塞厥性急凶故曰雍雍壅也釋文 書正義六 公羊

疏七 邢疏 御覽一百六十四

漢南曰荊州

李曰漢南其氣燥剛稟性强梁故曰荊荊強也書正義六 公羊疏七

邢疏 按公羊疏引此脫李巡曰字燥訛作慘今從邢疏校正

江南曰揚州

李曰江南其氣躁勁厥性輕揚故曰揚揚輕也釋文 書正義六 公羊

疏七廣韻二 邢疏

孫曰自江至南海也公羊疏七 郭同 按今郭作自江南至海

濟河間曰兗州

李曰濟河閒其氣專質厥性信謙故曰兗兗信也釋文 書正義六

公羊疏七 邢疏

濟東曰徐州

李曰濟東至海其氣寬舒稟性安徐故曰徐徐舒也書正義六 公

羊疏七 邢疏

孫曰自濟東至海也公羊疏七 郭同 按自字從郭注補

燕曰幽州

李曰燕其氣深要厥性剽疾故曰幽幽要也釋文 書正義六 公羊疏七

邢疏 按公羊疏訓幽為惡誤

孫曰自易水至北狄也公羊疏七 郭同

齊曰營州



李曰齊其氣清舒受性平均故曰營營平也今為青州公羊疏七

孫曰自岱東至海公羊疏七郭同

九州

李曰殷制釋文郭同

孫曰此蓋殷制禹貢有梁青無幽營周禮有幽并無徐營書

義三 詩正 義一之一

晉有大陸

孫曰廣河猶大陸春秋正義五十四 邢疏 案春秋正義 六孫炎等皆云今鉅鹿北廣河澤是也與

今郭 正同

秦有楊陜

孫曰陜於于反釋文

燕有昭余祈釋文祈孫 本作底

孫曰底音之視反釋文

周有焦護

孫曰周岐周也詩正義十之 二 邢疏

十藪

李曰藪澤之別名也春秋正義 三十六

梁莫大於淇梁

孫曰梁水橋也公羊疏 二十

八陵

東方之美者有醫無閭之珣玕琪焉釋文醫於其反 李本作醫音同

西北之美者有崑崙虛之璆琳琅玕焉

李曰璆琳美玉名琅玕石而似珠者書正義亦引釋地文又 云說者皆云球琳美玉

名琅玕石而似珠者禮記正義三十 作李巡孫炎郭璞等竝云璆琳美玉



九府

西方有比肩獸焉與邛邛岨虛比為邛邛岨虛齧甘草即有難邛邛岨虛負而走其名謂之歷

李曰邛邛岨虛能走歷知美草即若驚難者邛邛岨虛便負歷而走故曰比肩獸釋文

孫曰邛邛岨虛狀如馬前足鹿後足兔前高不得食而善走歷前足鼠後足兔善求食走則倒故齧甘草則仰食邛邛岨

虛負以走歷居衛反釋文

中有枳首蛇焉案毛本枳作軹今從舊本釋文同

孫曰枳音支蛇有枝首者名曰率然釋文

五方

邑外謂之郊

孫曰邑國都也設百里之國五者之界界各十里詩正義二十之一

郊外謂之牧釋文牧李本作田字

李曰田墾也謂墾列種穀之處釋文

下溼曰隰

李曰下溼謂土地窳下常沮洳名為隰也詩正義六之三又十七之三春秋

正義三十六公羊疏二十二邢疏

注曰隰濕墊也一切經音義四墊音都念反

廣平曰原

舍人曰廣平謂土寬而平御覽五十七

李曰謂土地寬博而平正者名之曰原詩正義十七之三春秋正義五又三十

六公羊疏二十二

高平曰陸大陸曰阜大阜曰陵大陵曰阿



李曰高平謂土地豐正名為陸大陸謂土地高大名曰阜最  
高大名為陵陵之大者名阿詩正義九之三又十六之四  
春秋正義十六又三十五又三

可食者曰原

孫曰可食謂有井田也陵阿山田可種穀者亦曰原也春秋正義

三十六舊  
本陵誤作陸

陂者曰阪下者曰隰案隰舊作溼詩正義引李氏作隰  
邢疏云隰本作溼誤今從寫正

李曰陂者謂高峯山陂下者謂下溼之地隰溼也詩正義六  
之三又十

七之

田一歲曰菑二歲曰新田三歲曰畲

孫曰菑音災始災殺其草木也新田新成柔田也畲和也田

舒緩也釋文 詩正義十之二 禮  
記正義五十一 邢疏

野

九夷八狄七戎六蠻謂之四海詩正義十之一云職方氏及布  
憲注引爾雅云九夷八蠻六戎

五狄謂之四海數不同而俱云爾雅則爾雅本有兩文今李巡  
所注謂之四海之下更三句云八蠻在南方六戎在西方五狄  
在北方此三句唯李巡有之孫炎郭璞諸本皆無也李巡與鄭  
同時鄭讀爾雅蓋與巡同又書正義二引釋地八蠻在南方六  
戎在西方五狄在北方文選注爾雅曰九夷八蠻六戎五狄  
謂之四海詩正義十五之一爾雅八蠻在南當俱本李巡也

舍人曰晦冥無識不可教誨故曰四海御覽三  
十六

李曰八蠻一曰天竺二曰咳首三曰焦僥四曰跋踵五曰穿

胃六曰儋耳七曰狗軹八曰笏脊六戎一曰僥夷二曰戎夷

三曰老白四曰耆羌五曰鼻息六曰天剛五狄一曰月支二

曰穢貊三曰匈奴四曰單于五曰白屋四海遠於四荒晦冥

無形不可教誨故曰四海也海者晦也言其晦暗無知禮記  
正義

五又十二 邢疏 案笏脊舊  
多作笏春今從皇侃論語疏



孫曰九夷在東方八狄在北方七戎在西方六蠻在南方海

之言晦暗於禮義也詩正義十之二 邢疏 案詩正義引九夷等四句誤為李巡李本既有八蠻

六戎五狄之文則必非李注矣郭亦有此攷郭多與孫同詩正義言孫炎郭璞皆無入蠻云云則此實孫注也

臣齊州以南戴日為丹穴

舍人曰自中州以南日光所照故曰丹穴御覽三十六

四極

釋上第十

邱一成為敦邱

孫曰形如覆敦敦器似孟詩正義三之三 邢疏

再成為陶邱

李曰再成其形再重也書正義六 邢疏

孫曰形如累兩孟也釋文 後漢書二注

如堯者堯邱

李曰形如車乘釋文 郭同

絕高為之京

李曰邱之高大者為京也詩正義十六之四又十七之三 春秋正義三十六

孫曰為之人力所作也詩正義十七之三 春秋正義三十六

非人為之邱

李曰謂非人力所為自然生為邱也詩正義十五之三 邢疏

孫曰地性自然也書正義六 邢疏

水出其後沮邱

孫曰沮辭與慈呂二反釋文

水出其左營邱

孫曰今齊之營邱淄水過其南及東是也詩正義五之一 郭同



如覆敦者敦邱

孫曰邱一成之象形也詩正義三之三

前高旄邱

李曰謂前高後卑下詩正義二之二

偏高阿邱

李曰謂邱邊高詩正義三之二

宛中宛邱

李曰中央下詩正義七之一 邢疏

孫曰謂中央汙也釋文

如畝畝邱

李曰謂邱如田畝曰畝邱也詩正義十二之三 邢疏

孫曰方百步也詩正義十二之三 邢疏

天下有名邱五其三在河南其二在河北

注曰州黎宛營為河南潛敦為河北者郭注引說者

邱

夷上洒下不澹

李曰夷上平上洒下隋下故名澹詩正義四之一 邢疏

孫曰平上隋下故名澹不者蓋衍字詩正義四之一 邢疏

隩隈

孫曰隈水中也詩正義三之二 毛

厓內為隩外為隈案隈釋文作鞫詩正義十七之一引爾雅同邢疏云隈當作鞫傳寫誤也

李曰厓內近水為隩其外為鞫詩正義三之二 邢疏

孫曰內曲裏也外曲表也詩正義十七之三 邢疏

畢堂牆



李曰堂牆名厓似堂牆曰畢

詩正義六之四 邢疏

墳大防

李曰墳謂厓岸狀如墳墓名大防也

詩正義一之三又十八之五 邢疏

孫曰謂隄也

春秋正義三十六 郭同

涘為厓

李曰涘一名厓謂水邊也

詩正義四之一 邢疏

厓岸

釋山第十一

河南華河西嶽河東岱河北恆江南衡

李曰華西嶽華山也岱東嶽泰山也恆北嶽恆山也衡南嶽

衡山也

書正義三 春秋正義四十二

孫曰雍州鎮有吳嶽山也

御覽四十四

再成英一成坯

李曰山再重曰英一重曰坯

書正義六 史記夏本紀正義作邳

山大而高崧

李曰高大曰崧

詩正義十八之三 邢疏

屬者嶧

注曰言絡繹相連今魯國鄒縣有嶧山純石相積構連屬而

成山蓋謂此也

御覽四十二

山脊岡

孫曰長山之脊也

書正義七 義一之二

詩正 邢疏

未及上翠微

注曰一說山氣青縹色曰翠微

初學記五 邢疏

山頂冢峯者厓屨



孫曰謂山巔也。厘子規反。屢語規反。詩正義十二之二 郭同

重甌廉

李曰廉防也。毛詩音義上

孫曰山基有重岸也。詩正義四之一 邢疏

小山別大山鮮

李曰大山少故曰鮮。釋文邢疏

孫曰別不相連也。詩正義十之六

山續無所通谿

李曰山中瀆雖無所通與水注川同名。春秋正義三

石戴土謂之崔嵬

孫曰石山上有土者。詩正義一之二 郭同

土戴石為硎

孫曰土山上有石者。詩正義一之二 郭同

山夾水澗

李曰山間有水。春秋正義三

山西曰夕陽

李曰山西暮見日故曰夕陽。書正義十一

孫曰夕乃見日。詩正義十七之三

山東曰朝陽

李曰山東朝乃見日故云朝陽。書正義十一

孫曰朝先見日也。詩正義十七之四

霍山為南嶽

孫曰霍山為誤當作衡山。詩正義十八之三 邢疏

梁山晉望也



孫曰晉國所望祭也詩正義十八之四 郭同

釋水第十二

井一有水一無水為瀾洿

孫曰瀾居廢反釋文

濫泉正出正出涌出也

李曰水泉從下上出曰涌泉詩正義十五之一又十八之五 邢疏

沃泉縣出縣出下出也

李曰水泉從上涌下出詩正義七之三

沈泉穴出穴出仄出也

李曰水泉從旁出名曰沈沈側出詩正義十三之一 邢疏

涇闕流川

孫曰涇苦穴反釋文

歸異出同流肥

舍人曰水異出流行合同曰肥酈道元水經十三濕水注

汶為瀾

李曰瀾溢也釋文

漢為潛

李曰漢水溢流為潛荀子大略篇注

江為沱

李曰江溢出流為沱寰宇記七十二

汝為瀆

釋文瀆字林作涓眾爾雅本亦作涓案說文引爾雅同作涓

河水清且瀾漪大波為瀾小波為淪直波為徑釋文瀾李依詩作漣音連 疑

樊本作瀾郭從樊不從李李曰分別水大小曲直之名詩正義五之三 邢疏



江有沱河有灘汝有瀆

李曰江河汝有肥美之地名詩正義一之三

澣水厓

李曰澣水邊地名厓也詩正義四之一

孫曰厓水邊也詩正義十三之一又十八之五

水草交為湄

舍人曰水草木交合也酈道元水經入濟水注

李曰水中有草木交會曰湄春秋正義十邢疏

濟有深涉深則厲淺則揭揭者揭衣也以衣涉水為厲

李曰濟渡水也水深則厲水淺則揭衣渡也不解衣而渡水

曰厲春秋正義三十二

孫曰揭褰衣裳也以衣涉水濡禪也詩正義二之二春秋正義三十二

紼繹也

李曰繹竹為索所以維持舟者詩正義十五邢疏

孫曰繹大索也舟止繫之於樹木戾竹為大索詩正義十五之一邢疏

天子造舟諸侯維舟大夫方舟士特舟庶人乘泝

李曰比其舟而渡曰造舟中夾左右相維持曰維舟併兩船

曰方舟一舟曰特舟乘泝併木以渡別尊卑詩正義十六之二春秋正義

四十一公羊疏十六左氏音義四作比其船而度也案乘泝注郭同

孫曰造舟比舟為梁也維舟維連四船維持使不動搖也詩

義十六之二春秋正義四十一公羊疏十六郭同公羊疏引維持使不動搖句作音義曰案釋文孫炎爾雅音

卷一

注曰以舟為橋詣其上而行過故曰造舟公羊疏十六引舊說

水注川曰谿注谿曰谷



李曰水出於山入於川曰谿水相屬曰谷書正義十春秋正義三公羊疏

十一切經音義九 邢疏

注澮曰瀆

注曰水流不絕曰瀆御覽七十五

逆流而上曰汭洞順流而下曰汭游

孫曰逆渡者逆流也順渡者順流也詩正義六之四邢疏

正絕流曰亂

孫曰直橫渡也書正義六詩正義十七之三

水泉

水中可居者曰洲小洲曰階小階曰沚小沚曰坻人所為為瀟

孫曰水有平地可居者也一切經音義十七

李曰四方皆有水中央獨高可處故曰但大小異其名耳書正義十七

義三詩正義一之邢疏

舍人曰瀟人力水為居止一切經音義案當作人力所為可居止

水中

河出崑崙虛色白

李曰崑崙山名虛山下地也色白河水始出其色白也書正義六

文釋

孫曰崑山名也墟者山下之地白者西方之色也文釋

所渠并千七百一川色黃

李曰水流而分交錯相穿故曰川也文釋

孫曰所受渠多轉流溷濁故色黃文釋

百里一小曲千里一曲一直

李曰水勢小曲乃大直也故曰小曲水陰節每一曲一直通



無極也故曰千里一曲一直釋文

河曲

徒駭太史馬頰覆鬴胡蘇簡絜鉤盤鬲津釋文大孫如字今本作太般李本作股

李曰徒駭者禹疏九河以徒眾起故曰徒駭今在成平東光

縣大史者禹大使徒眾通其水道故曰大史馬頰者河勢上

廣下狹狀如馬頰覆釜者水中多渚往往而有可居之處狀

如覆釜之形胡蘇者其水下流故曰胡蘇胡下也蘇流也今

有胡蘇亭簡大也河水深而簡大也絜言河水多山石之苦

故曰絜絜苦也鉤股者言河水曲如鉤折如人股故曰鉤股

鬲津者河水狹小可隔以為津故曰鬲津書正義六詩正義十九之四釋

邢疏

孫曰徒駭者禹疏九河此河功難眾懼不成故曰徒駭胡蘇

者水流多散胡蘇然也簡者水通易也絜者水多約絜鉤盤

者水曲如鉤流盤桓不直前也鬲津者水多阨狹可隔以為

津而橫渡也釋文書正義六詩正義十九之四廣韻

同絜字音苦入反

九河

爾雅漢注卷中







